

Aztiriaga

(Aztia)



ERAUSKIN GARMENDIA familia

JOAN BAUTISTA Erauskin Zubialdekoa eta Benita Erauskin Aistrangonekoa aurrena, ezkonberritan, *Eskribau* etxean jarri ziren bizitzen eta handik gutxira *Aztia*ra etorri ziren eta bertan bizi izan ziren beti, baita beren ondorengoak ere.

Biak Aiestaran Erreka auzokoak ziren eta *Zubialden* egingo zuten elkarren ezagutza, izan ere han elkartzen omen ziren auzoko neska-mutilak eta baita Lazkaomendikoak ere, eta bertan, Joan Bautistak soinua jotzen omen zuen. Joan Bautista Erauskin Zubialdekoa eta Benita Garmendia Aistrangonekoa 1915ean ezkondu ziren Zaldibin.

Bertan gosaria egin eta Santanderrera joan ziren ezkontza-bidaian, Benitak han bizi baitzuen anaia. Bost seme-alaba izan zituzten: Luix, Iñaxi, Maritxu, Martin eta Felix.

Etxera ezkondu ziren Felix, etxeko semea, eta *Muertzako* Elena Mendizabal. Eta bertan bizi izan ziren aita-amekin eta arreba Maritxurekin, *Aztiako* baratzetan etxeak egin eta bertara joan ziren arte.

Felixek eta Elenak bi seme izan zituzten: Joan Bautista eta Jose Inazio.



Pasadizoak

"Numero uno"

Joan Bautista Gasteizen omen zegoen soldadu eta destino berria eman omen zioten, Melillara, listan "numero uno" zelako, eta han urik ez omen zegoenez, barrikan eraman omen zuten.

Diru "estrak"

Aitak, Joan Bautistak, Zentralean lan egiten zuen eta diru "estrak" amorrainak eta ezkailuak harra-patu eta haiek salduta ateratzen omen zituzten.

Informazio emailea: Maritxu Erauskin



Joan Bautista Erauskin. 1906



ERAUSKIN GARMENDIA familia

Martin, Iñaxi, Benita (ama), Joxe, Joan Bautista (aita), Maritxu eta Felix.